

毛

詩

異

文

箋

毛詩異文箋卷七

鹽城陳玉樹

歸飛提提

采繁祁祁

七月出車

來假祁祁

先君子曰小弁歸飛提提傳提提羣貌案提提卽祁祁也
七月采繁祁祁出車采繁祁祁元鳥來假祁祁傳箋疏竝
以祁祁爲眾多羣與眾多是一義左傳宣二年提彌明公
羊傳漢書古今人表竝作祁彌明史記晉世家餓人元昧
明也案隱曰鄒誕生音元昧爲祁彌卽左傳之提彌明提
音市移反劉氏亦音祁爲市移反則祁提二字同音也此
提祁字通之證禮記緇衣冬祁寒注祁之言是也是字古
亦讀若提公羊僖十六年傳是月釋文是一音大兮反讀

提爲祁與段祁爲是同

莫浚匪泉 濬哲維商

莫浚匪泉傳浚深也長發濬哲維商傳濬深也案說文水部浚抒也谷部容深通川也从占谷虞書容畎澮距川或作濬古文作濬小弁浚借字長發濬正字孟子浚井春秋浚洙皆濬之段字虞書濬畎澮距川史記夏本紀濬作浚易恆初六浚恆貞凶釋文浚荀澗反深也鄭作濬玉篇水部浚思閏切深也濬同濬古文一切經音義四浚古文濬濬二形今作浚

借始既禘 譜言則邇 彼譜人者 謀欲譜人 謀

欲諧言 取彼諧人

巧言僭始既涵傳僭數案僭乃諧之段音數乃愬之段音說文言部諧愬也釋文僭毛側蔭反側蔭卽諧音一切經音義五引詩作諧始既涵呂氏讀詩記亦作諧僭與諧古字通用雨無正諧言則遐巷伯彼諧人者謀欲諧人謀欲諧言取彼諧人皆諧愬之諧

僭始既涵

實函斯潛

載芟
良耜

克成厥功

僭始既涵傳涵容也案毛謂涵爲函之段借也載芟實函斯潛良耜實函斯潛箋並訓函爲含正義曰函者容藏之義禮記曲禮席問函丈注函容也說文水部涵水澤多也

从水函聲涵濡爲本義涵容爲借義箋云涵同也鄭以涵爲咸之段借故釋文云涵鄭音咸闕宮克咸厥功箋咸同也周禮伊耆氏其其杖咸鄭注云咸讀爲函史記司馬相如傳上咸五下登三徐廣曰咸一作函天官書開可械劍集解引蘇林曰械音函容也漢書天文志集注引蘇林曰械音函文苑英華六百九于公異代行在起居表少異咸秦之氣唐類表作函秦是涵咸字通之證釋文引韓詩涵作減減卽是咸字周禮臬氏注釋文咸本又作減史記酷吏減宣漢書百官公卿表作咸宣是其證

秩秩大猷 君子有徽猷 克壯其猶 無相猶矣

謀猶回遘 我視謀猶 不我告猶 哀哉爲猶 匪
大猶是經 爲猶不遠 遠猶辰告 繼猶判渙
秩秩大猷傳猷道也角弓君子有微猷箋同采芑克壯其
猶斯千無相猶矣小頤不我告猶匪大猶是經版爲猶不
遠抑遠猶辰告訪落繼猶判渙傳竝曰猶道也小頤謀猶
回遘我視謀猶箋竝訓猶爲道哀哉爲猶正義申毛訓猶
爲道案毛詩猶字二十二見猷字二見猷左曾右犬猶左
犬右酋實一字玉篇云猷與猶同廣韻十八尤猷重文作
猶說文有猶無猷克壯其猶玉篇士部文選馬汧督誅注
猶作猷謀猶回遘文選西征賦注引韓詩猶作猷遠猶辰

告韓詩外傳猶作猷小星實命不猶陟岵猶來無棄釋言
注猶竝作猷白華之子不猶傳猶可也正義曰猶可釋言
文今釋言猶作猷常武王猶允塞傳猶謀也正義曰猶謀
釋詁文今釋詁猶作猷文選張華女史箴注引毛詩王猷
允塞云猷與猶古字通荀子君道篇韓詩外傳竝作王猷
允塞訪落箋殷箋竝曰猶圖也正義曰猶圖釋言文今釋
言猶作猷蕩猶之未遠列女傳楚江乙母傳猶作猷書般
庚汝分猷念以相從漢石經猷作猶范式碑邁德徽猶卽
徽猷袁良碑平仲小國之卿其儉猷稱猶作猷

聖人莫之 訐謨定命

聖人莫之傳莫謀也釋文莫如字又作漠同一本作謨大雅抑訃謨定命傳謨謀也釋文謨本亦作漠爾雅釋詁漠謨謀也案說文𣎵部𣎵日且冥也水部漠北方流沙也言部謨議謀也莫漠訓謀竝謨之段借說文謨从莫聲唐韻正十九鐸莫平聲則音謨聖人莫之其字爲莫其音爲謨字作謨則非毛詩古本莫讀如字亦非毛詩古音漢書敘傳謨先聖之大繇集注引詩聖人謨之莫讀謨亦與作度獲韻作音詛度如字獲音護

居河之麋 在水之淵

居河之麋傳水草交謂之麋正義曰釋水文今釋水作淵

秦風蒹葭在水之湄傳湄水隄也正義曰釋水云水草交
曰湄謂水草交際之處水之岸也案湄正字麋借字故釋
文云麋本又作湄音眉左氏襄十四年傳注引詩居河之
麋釋文麋本又作湄爾雅釋水注文選別賦注爲宋公至
洛陽謁五陵表注奏彈曹景宗注引詩竝作居河之湄魏
都賦注琴賦注引毛詩傳水草交曰湄左氏僖二十八年
傳余賜女孟諸之麋正義曰釋水云水草交曰湄古字通
用故此作麋耳先君子曰春秋莊二十八年左氏經築鄆
公羊作微釋文云左氏作麋爾雅釋鳥麋鵲釋文麋字林
作鵲前秦錄苻雙以上邽叛乘勝至榆眉晉書姚弋仲載

記東徙榆眉榆眉卽漢志石扶風隃麋山海經中山經大
書之山多麋玉郝氏箋疏謂卽璫玉儀禮士冠禮眉壽萬
年注古文眉作麋大戴禮孔子愀然揚麋注麋一作眉考
工記梓人注衡謂麋衡也正義麋卽眉也荀子非相篇伊
尹之狀無須麋注麋與眉同漢書王莽傳赤麋聞之師古
曰麋眉也古字通麋之通作眉亦猶麋之通作眉鵲璫鄒
矣玉篇廣韻有麋字爲眉之重文此不明段借者所妄造
與爾雅音義所載眉濇等字竝俗體

不愧于人 尙不愧于屋漏

何人斯不愧于人釋文作媿云本又作愧正義作愧唐石

經及宋本竝同抑尙不媿于屋漏唐石經及釋文正義竝作媿宋本作愧禮記中庸引作愧釋文愧本又作媿案說文女部媿慙也重文作愧玉篇心部愧重文作媿廣韻六至媿重文作愧媿媿三形禮記聘義所以愧厲之也釋文作媿云本又作愧漢書文帝紀贊更加賞賜以媿其心師古曰媿古愧字龔遂傳郎中令善媿人師古曰媿古愧字愧辱也爾雅釋言注釋文愧九位反本亦作媿左氏襄二十七年傳無愧辭釋文愧作媿

亦不遑舍 不舒究之

亦不遑舍舍與車盱韻乃舒之段音箋以舍爲舍息小弁

不舒究之疏以舒爲安舒息與安是一義公羊春秋哀六年陳乞弑其君舍釋文舍二傳作茶音舒史記厯書舍者日月所舍舍者舒氣也楚辭懷沙舒憂娛哀兮史記屈賈列傳作舍憂虞哀兮是舒與舍古通用宋魏了翁曰六經則音舒元熊朋來曰舍非但與車盱協音作舒便合讀作舒

俾我祇也 祇自疵兮 俾我疵兮

俾我祇也傳祇病也釋文祇祈支反案祇本地祇毛云病者謂祇爲疵之段借也祇與疵皆从氏聲故相通借說文尸部疵病不翹也無將大車祇自疵兮白華俾我疵兮傳竝曰疵病也易復卦无祇悔鄭注祇病也亦謂段借白華

釋文底都禮反無將大車釋文底徐都禮反又祈支反玉篇疒部底渠支丁禮二切案底从氏聲非从氏聲不應讀丁禮切廣韻五支巨支切紐內祇底竝出十二薺都禮切紐內不收底字足以誕正徐仙民顧希馮之誤底果讀都禮切與祇音遠無繇相段觀毛之讀祇爲底則底當音祈支反明矣爾雅釋詁底病也釋文底祇支反或丁禮反誤與詩音義同

捷捷幡幡 不思其反 四矢反兮 福祿來反

巷伯捷捷幡幡傳幡幡猶翩翩也案上章傳云翩翩往來兒幡幡猶翩翩則亦當爲往來兒矣說文巾部幡書見拭觚

布也幡無往來意當爲反之借字氓不思其反猗嗟四矢
反兮執競福祿來反傳箋竝曰反復也反復卽是往來說
文復往來也漢書食貨志杜周治之獄少反者蘇林曰反
音幡師古曰幡謂从輕而出雋不疑傳其母輒問不疑有
所平反活幾何人如淳曰反音幡谷永傳反除白舉師古
曰反讀曰幡此幡反字通之證孟子旣而幡然改曰注幡
反也趙氏蓋讀幡爲反音義云幡張云與翻同說文無翻
翻俗字幡借字反正字荀子彊國篇云反然舉惡桀紂而
貴湯武注云反音翻翻然改變兒反然卽孟子之幡然矣
賓之初筵威儀幡幡傳幡幡失威儀也幡幡亦當爲往來

兒往來無定則輕脫失儀舍其坐遷則往來之狀可想瓠
葉傳幡幡瓠葉貌幡當讀若偏其反而之反

勞人草草 勞心慄慄

勞人草草傳草草勞心也箋云草草者憂將妄得罪也案
草乃慄之以借玉海補遺作勞人慄慄陳風月出勞心慄
兮傳箋无釋釋文慄慄也廣雅釋訓慄慄慄也曹憲云慄
音草爾雅釋訓慄慄勞也釋文慄郭騷草肅三音邢昺疏
引詩勞人草草勞心慄兮言慄草音義同玉篇心部慄蘇
勞切息心也愁也又音草說文慄从蚤聲草从早聲幽風
七月四之日其蚤正義及禮記王制注蚤竝作早儀禮士

相見禮問日之早晏注古文早作蚤漢書文帝紀有司請
蚤建太子注蚤古以爲早晚字也彭越傳而君王不蚤定
師古曰蚤古早字早蚤字通故早聲蚤聲之字亦通廣韻
慄爲慄之重文與草同在采老切紐內說文玉篇皆不以
慄慄爲一字未知廣韻何據

母兮鞠我 載生載育 帝命率育

蓼莪母兮鞠我傳鞠養也詩經小學云鞠亦當爲鞠鞠爲
窮亦爲養相反而成猶治亂曰亂也案此說非也鞠乃育
之假借釋詁育養也生民載生載育箋云後則生子而長
養正義曰旣生之則長養之思文帝命率育箋云育養也

爾雅釋言鞠稚也鷦鷯正義引作鞠稚又引郭璞曰鞠一作毓說文毓爲育之重文此鞠育字通之證友人姚君煥章謂予云母兮鞠我鞠訓養此以初生時哺養言之下文長我育我以稍長時教育言之也說文育養子使作善也是也

拊我畜我不我能愉

拊我畜我箋畜起也案畜爲愉之假借說文心部廣韻一屋並曰愉起也谷風不我能愉傳愉興也釋文興卽起也玉篇心部愉興也後漢書馬融傳疏越濫愉注愉與畜同是其證愉興也正義本作愉養也則愉與畜我不卒之畜

同彼傳云畜養也然正義本非是據陸氏說訓養是王肅
義箋云慙驕也君子不能以恩驕樂我慙當讀若畜君者
好君也之畜畜有好義好有驕義巷伯驕人好好爾雅釋
訓好好作旭旭云驕也驕則未有不喜樂者故鄭云驕樂
毛云好好喜也谷風箋讀慙爲畜蓼莪箋讀畜爲慙其義
同

睠言顧之 睠睠懷顧 乃眷西顧

大東睠言顧之傳睠反顧也釋文睠音眷本又作眷小明
睠睠懷顧釋文睠音眷正義曰睠睠然情懷返顧皇矣乃
眷西顧釋文眷本又作睠案玉篇廣韻皆以睠爲眷之重

文說文有眷無睠睠言顧之荀子宥坐篇作眷焉顧之後
漢書劉陶傳注作眷然顧之文選江文通雜體詩注陸士
龍爲顧彥先贈婦詩注謝宣遠答靈運詩注王簡栖頭陀
寺碑文注引毛詩竝作眷言顧之睠睠懷顧文選張平子
思元賦注王仲宣登樓賦注從軍詩注陸士龍答張士然
詩注謝惠連西陵遇風獻康樂詩注竝引韓詩眷眷懷顧
王逸楚辭章句引詩亦作眷眷臧庸以爲魯詩乃眷西顧
潛夫論班祿引詩作睠文選長楊賦注頭陀寺碑文注引
毛詩竝作睠

哀我憚人 憚我不暇 哀我憚耄 勞心怛怛 下

民卒癰

哀我憚人傳憚勞也小明憚我不暇雲漢哀我憚暑傳竝
曰憚勞也案憚爲怛之段借甫田勞心怛怛傳怛怛猶怛
怛也上章勞心怛怛傳怛怛憂勞也周禮考工記矢人亦
弗之能憚矣注故書憚或作但釋文憚音怛都達反是憚
怛古通用廬人注故書彈或作但玉篇疒部疽或作癰亦
其類也或曰憚訓勞勞者病也淮南子精神訓而好憎者
使人之心勞高誘注勞病也憚乃癰之段借版下民卒癰
傳癰病也說文疒部癰勞病也憚癰古字通大東釋文憚
字又作癰小明釋文憚又作癰爾雅釋詁癰病也注引詩

哀我暉人釋文暉丁賀反本或作憚音同

舟人之子 行彼周行

舟人之子舟韻如上章行彼周行之周傳云舟人舟楫之

人熊羆是裘言富也正義曰賤人踰制而奢富也案用人

論賢愚不論貴賤文王舉太公於舟人而用之矣見韓詩外傳荀

卿子作州詎舟人之子獨不可使富乎且舟人亦非甚賤

詩人胡獨舉此不如鄭說爲當箋云舟當作周裘當作求

聲相近故也周人之子謂周世臣之子孫還在賤官使捕

熊羆在冥氏穴氏之職舟周古字通用故蜩字从周亦从

舟聲作蜩考工記作舟以行水注故書舟作周鄭司農云

周當爲舟宣十四年左傳楚子使申舟聘於齊呂氏春秋
行論篇作申周齊華周說苑立節篇作華舟魏廟碑委曲
舟帀隸釋云以舟爲周惠棟周禮古義曰案公古錄庚父
敦銘有伯庶父作王姑舟尊敦或謂舟爲丹又以爲井董
廣川以爲朱鮪集字舟爲古文周字顧璣王釋亦引詩爲
證又史伯碩父鼎銘亦有王母舟母四十二字則舟卽爲
周舟人之子卽上文西人之子詩以舟爲周考工以周爲
舟義竝通

熊羆是裘 寤寐求之

熊羆是裘裘讀若寤寐求之之求箋云裘當作求說文裘

皮衣也求古文裘省衣求裘本一字鄭風羔裘釋文裘字
或作求求取之求增作裘猶衣裘之裘省作求也孟子樂
正裘漢書古今人表作樂正求急就篇求男弟注求氏本
居衛國裘氏之地故稱裘焉後又轉爲求字漢末有求仲
困學紀聞云鄭氏詩譜徐整暢太叔裘隱隋志作太叔求
百僚是試 及爾同寮

百僚是試傳是試用於百官也釋文僚力彫反字又作寮
版及爾同寮傳寮官也釋文作僚云字又作寮唐石經从
正義本作寮案說文人部僚好兒寮說文作寮云穿也僚
乃佞人僚兮之僚寮乃倉頡篇寮小窗之寮皆不訓官然

竇从宀宀从宀以官守字从宀推之當以竇爲正字僚借
字寮俗字論語公伯寮說文作公伯竇史記仲尼弟子列
傳作公伯僚左氏文七年傳同官爲寮說文寮本亦作僚
國語魯語今吾子之教官僚韋昭注引詩及爾同僚公序
本竝作寮爾雅釋詁寮官也釋文寮字又作僚一切經音
義二十三二十四僚又作寮同力彫反廣韻三蕭僚重文
作寮

六月徂暑 以御田祖 韓侯出祖

四月六月徂暑箋云徂猶始也案鄭讀徂爲祖釋詁祖始
也說文祖始廟也甫田以御田祖正義曰祖者始也始教

造田謂之田祖韓奕韓侯出祖正義曰始行而爲祖祭祖
祖皆从且聲後漢書馬成傳設壇場祖禮造之注祖祖也
徐嘉曰祖祭字本宜作祖烝民仲山甫出祖箋云祖者將
行犯軼之祭也是祖有行義桑柔箋祖行也韓奕箋祖將
去而犯軼也則祖有往義岷箋祖往也此祖當作祖之證
此說亦有理

廢爲殘賊 佛時仔肩

廢爲殘賊傳廢大也

从定本

案釋詁廢大也郭注引詩廢爲

殘賊義疏云廢者斂之段音也說文云斂大也玉篇作𡇗
又作𡇗同通作佛詩云佛時仔肩傳佛大也段玉裁亦以

廢佛爲弗之段借卷阿釋文弗毛音弗鄭音廢此佛廢聲
同之證

冬日烈烈 二之日栗烈

冬日烈烈上烈字讀若栗箋云烈烈猶栗烈也七月二之
日栗烈傳栗烈寒氣也東山烝在栗薪箋云栗析也古者
聲栗裂同也釋文栗鄭音列考工記弓人注栗讀爲裂繻
之裂栗之通爲裂猶栗之通爲烈矣栗又當作燂

盡瘁以仕 武王豈不仕 豈無他士 謂我士也驕

謂我士也罔極 勿士行枚 予王之爪士 偕偕

士子 百辟卿士 天降厥士 保有厥士

盡瘁以仕箋云仕事也文王有聲武王豈不仕傳仕事也
褻裳豈無他士東山勿士行枚祈父子王之爪士敬之天
降厥士桓保有厥士傳竝曰士事也園有桃謂我士也駟
箋云士事也北山偕偕士子箋云士子有王事者也假樂
百辟卿士箋云卿士卿之有事也案仕借字士正字說文
人部仕學也士部士事也士仕古字通用北門序云刺仕
不得志也正義仕作士禮記曲禮前有士師注士或爲仕
孟子有仕於此論衡刺孟篇仕作士周禮載師以宅田士
田賈田任近郊之民注士讀曰仕凡以神仕者唐石經作
士春官序官凡以神士者經注皆作士賈疏於他職多引

作仕靈臺碑魚師衛仕洪适曰仕疑當作士馬江碑仕喪儀宗士作仕節南山弗問弗仕箋仕察也爾雅釋詁士察也皆字通之證仕訓事又與事通武王豈不仕晏子春秋諫下篇引詩仕作事

溥天之下 敷天之下

禮記祭義溥之而橫乎四海釋文溥本又作敷是溥與敷古字通敷說文作敷从支專聲溥从水專聲聲同故字通北山溥天之下傳溥大也案大當訓遍召願溥斯害矣箋溥猶遍也禮記郊特牲大報天而主日也注大猶遍也溥天之下卽敷天之下周頌般敷天之下箋云徧天之下溥

又通作普孟子引詩普天之下注普遍也

四牡彭彭王事傍傍

四牡彭彭王事傍傍傳彭彭然不得息傍傍然不得已案
不得息以行言烝民箋彭彭行兒不得已亦謂行也下文

或不已于行是也不得息卽是不得已葛生傳蟬蟬傳民勞傳竝曰息止也

北山箋不已猶不止也彭彭卽傍傍此阮氏元所謂意同

兼葭傳未已猶未止也字變彭之通作傍猶彭之通作旁矣說見駟介彭傍皆傍

之借字說文玉篇竝云傍附行也

祗自疚兮 疚如疾首

無將大車祗自疚兮傳疚病也案疚與廋韻乃疚之段音

小弁疾如疾首箋疾猶病也後漢書張衡傳思百憂以自
疾用詩語而字作疾則疾當讀疾明矣

文選思元賦作疹小弁釋文疾又作疹

疹宋劉彝元戴侗明陳第國朝顧炎武李光地戴震皆

以疾爲疢說文玉篇廣韻竝無疢字丁度集韻始收之譌
字不足據詩經小學曰疾與疢音近禮記畛於鬼神注畛
或爲祇說文祇一作賑精於此可求合韻之理盧文弨說
尤詳

日月方輿 安且煥兮

小明日月方輿傳輿煖也案輿爲煥之段借唐風無衣安
且煥兮傳煥煖也釋文作輿云本亦作煥正義本唐石經

竝作煥尙書洪範曰豫恆煥若史記宋微子世家漢書五行志賈昌朝羣經音辨皆作奧公羊成元年經注引書曰舒恆煥若釋文煥本又作奧於六反煖也禮內則問衣煥寒釋文煥本又作奧唐韻正一屋煥去聲則音奧說文煥从火與聲

鼓鍾欽欽

坎坎鼓我

和樂且湛

鹿鳴常棣

或湛樂飲

酒子孫其湛其湛曰樂

荒湛于酒女雖湛樂從

鼓鍾鼓鍾欽欽傳欽欽言使人樂進也案欽乃坎之段借伐木坎坎鼓我蹲蹲舞我箋云爲我擊鼓坎坎然爲我興舞蹲蹲然謂以樂樂已是以坎坎有樂意正義云坎坎然擊

鼓以娛我娛卽樂也釋文引爾雅坎坎蹻蹻喜也喜亦樂也史記楚世家若敖卒子熊坎立索隱曰坎音苦威反又作欽是欽與坎古字通用欽从欠金聲古音在第七部坎从土欠聲古音在第八部二部合音最近故欽與坎通友人左溥曰欽爲湛之假借如莊子堪坏淮南子作欽負之比金聲甚聲同部鹿鳴常棣北山賓之初筵抑蒞湛樂連文湛皆訓樂

濟濟跄跄

濟濟多士

文王
泮水

濟濟辟王

跄跄濟濟

既齊既稷

楚茨濟濟跄跄傳言有容也箋云有容言威儀敬慎也文

王濟濟多士傳濟濟言多威儀也棫樸濟濟辟王正義濟
濟然多容儀之君王公劉蹯蹯濟濟箋云士大夫之威儀
也泮水濟濟多士正義曰濟濟然多威儀之多士案濟竝
讀若齊旣齊旣稷正義申毛以齊爲整齊釋文齊王申毛
如字整齊也整齊卽是有容有容卽是威儀禮記祭義齊
齊乎其敬也玉藻廟中齊齊齊齊卽濟濟矣說文濟从水
齊聲莊子逍遙遊注其濟一也釋文濟于細反本亦作齊
如字是齊濟字通

濟濟蹯蹯 蹯蹯濟濟 應門將將

濟濟蹯蹯傳言有容也公劉箋蹯蹯濟濟士大夫之威儀

也案賡乃將之段借縣應門將將傳將將嚴正也有容卽是嚴正嚴正卽是威儀說文寸部將帥也將帥則嚴正故將將訓嚴正古無四聲將帥字亦可讀七羊反也禮記曲禮下士賡賡釋文賡或作鏘說文無鏘古止作將此賡將字通之證

先祖是皇

楚茨信南山

烝烝皇皇

以往烝嘗

先祖是皇皇讀若上文以往烝嘗之往箋云皇睢也先祖以孝子祀禮甚明之故精氣歸往之鄭讀皇爲睢睢卽往字信南山先祖是皇箋皇之言睢也先祖之靈歸睢是孝孫而報之以福歸睢卽歸往泮水烝烝皇皇箋皇當作睢

唯唯猶往往也皇與往古字通禮記少儀祭祀之美齊齊
皇皇鄭注皇讀如歸往之往釋文皇音往說文往从止聲
坐艸木妄生也从艸在土上讀若皇故皇借爲往破斧四
國是皇傳皇匡也借皇爲匡與此同意說文日部睢光美
也从目往聲康成以睢往爲一字師授不同

我孔熯矣 不難不竦

我孔熯矣傳熯敬也案說文火部熯乾兒熯無敬義蓋難
之段借字也說文心部懸敬也商頌長發不難不竦傳難
恐也敬則有恐懼戒慎之意詩經小學爾雅義疏說文通
訓定聲皆以熯爲難之段借說昉於徐氏說文繫傳郝氏

云難从難聲煥从漢省漢又从難省故聲同字通

苾芬孝祀 苾苾芬芬 有飫其香

苾芬孝祀箋云苾苾芬芬然有馨香矣信南山苾苾芬芬箋云苾苾芬芬然香案說文苾亦訓馨香但其字从艸言艸之香非言飲食之香此言飲食字當作飫載芟有飫其香傳飫芬香也釋文引說文飫食之香也云字又作苾白帖八十六引詩作有苾其香一切經音義卷四卷五苾又作飫飫必飫四形蒲結反

如幾如式 期我乎桑中 匪我愆期 秋以爲期

不知其期 方何爲期 昏以爲期 期逝不至 萬

壽無期 逸豫無期 五日爲期 思無期

如幾如式傳幾期也箋云其來如有期矣案幾卽期之古文段借陳奐曰幾讀與期同是也大雅民勞汔可小康箋汔幾也左氏昭二十年傳引詩汔可小康注汔其也民勞正義釋詁幾汔也疏引左傳注作汔期是幾期字通之證采唐氓君子于役小戎東門之楊杕杜南山有臺白駒采綠馴諸篇並有期字

既齊既稷 肅肅宵征

既齊既稷傳稷疾也案毛以稷爲肅之段借召南小星肅肅宵征傳肅肅疾貌爾雅釋詁肅疾也廣韻一屋肅疾也

稷與肅古字通山海經大荒北經有肅慎氏之國竹書作
息慎周書王會解作稷慎郝懿行曰稷息肅竝聲轉字通
廣韻一屋謏攏同音所六切謏與稷皆从叟聲稷之韻
若肅猶謏之音同翻矣或疑稷讀爲肅與旣匡旣敕不韻
不知敕从支束聲古音當同邀未始不韻也生民以稷韻
夙育是其明證馬爲瑗曰集韻以攷攏爲一字亦其例

旣匡旣敕 不盈頃筐 維筐及筥 頃筐暨之 女
執懿筐 承筐是將 筐之筥之 載筐及筥

旣匡旣敕箋云天子使宰夫受之以匡祝則釋嘏辭以勅
之釋文作筐云本亦作匡盧文弨毛詩音義攷證曰足利

本作匡注疏本作筐鄭箋本作筐筥字王肅改爲匡正字
阮氏校勘記曰鄭箋本經字亦作匡其云受之以匡者以
匡爲筐之段借不云讀爲直於訓釋中改其字以糾之也
玉樹案說文匡飯器筥也或从竹作筐玉篇匚部匡方正
也飯器也筥也亦作筐顧希馮尙呂匡筐爲一字廣韻十
陽匡輔助也正也筐筐籠也匡筐始判爲二易歸妹女承
筐无實釋文筐鄭作匡伐木傳以筐曰醢六書故滑下醢
下兩引皆作以匡曰醢春秋文十一年叔彭生會晉卻缺
於承筐唐石經作承匡太元從有女承其血匡注匡與筐
同此筐筥字作匡也莊子齊物論同筐牀釋文筐本亦作

匡崔云筐方也一云正牀也此匡正字作筐也毛於匡字無釋以匡卽筐字不待釋耳王肅以誠正釋匡名曰申毛實則排鄭毛詩字不畫一卷耳不盈頃筐采蘋維筐及筥標有梅頃筐堅之七月女執懿筐鹿鳴承筐是將采菽筐之筥之良耜載筐及筥筐今文旣匡旣勅匡古文箋匡字當從明本作匡不當從宋本作筐阮氏謂鄭箋改匡爲筐非也盧氏謂王肅改筐爲匡亦非也

廢徹不遲 履我發兮

廢徹不遲傳廢去也齊風東方之日履我發兮傳發行也箋云以禮來則我行而與之俱去正義曰行必發足而去

案廢借字發正字說文廢屋頓也發射發也射弓弩發於身而中於遠也是發有遠去之義廣雅釋詁發去也廢發古字通用壹發五犯發彼有的徐仙民皆音廢論語廢中權釋文廢鄭作發史記貨殖傳子贛廢箸鬻財漢書作發箸扁鵲太倉公傳破陰絕陽之色已廢集解曰廢一作發齊策何不廢將而擊之一本廢作發莊子列禦寇曾不發藥乎釋文發司馬本作廢漢書禮樂志續舊不廢注廢合韻音發

𠬪𠬪原隰 秉國之均

節南山𠬪𠬪原隰傳𠬪𠬪墜辟兒案墜者均也

廣雅釋詁均者

平也辟者除也除者治也畇乃均之別體說文無畇節南山傳均平也說文均平遍也从土勻爾雅釋訓畇畇田也釋文引字林均均田也夏小正農率均田傳均田者始除田也言農夫之急除田也均與畇正同義从土之字亦从田如玉篇土部有域壇圻墉垆田部有畎畹町墮畎實一字均變爲畇正與此類

雨雪雰雰 雨雪霏霏

雨雪雰雰傳雰雰雪兒正義云雰雰然積而多也案說文雰爲氛之或體氛祥氛也此以雪言蓋霏之借字雰雰卽出車之霏霏也古文微合韻而雰霏聲轉周禮太宰八曰

匪頒之式注匪分也廩人以待國之匪頒注匪讀爲分釋文匪音分雱之爲罪猶分之作匪矣

攘其左右、攘之剔之 不可褻也所可褻也 獫狁于褻

甫田攘其左右正義申毛云攘除田之左右辟其草萊皇矣攘之剔之正義曰攘除翦剔案說文攘訓推卽今讓字曲禮注攘古讓字是也攘訓除乃褻之段借說文衣部褻漢令解衣而耕謂之褻耕有辟除之義故諡灋辟地有德曰襄辟卽除也爾雅釋言襄除也牆有茨不可褻也傳襄除也出車獫狁于褻傳襄除也釋文襄本又作攘舊唐書

陸贄傳引詩作獫狁于攘文選山師表注四子講惠論注
引詩傳作攘除史記龜策傳蜀攘大宛集解引徐廣曰攘
一作襄太史公自序秦所曰東攘徐廣曰攘一作襄書棗
誓無敢寇攘施博士讀曰襄皆襄攘字通之證

攘其左右 其饌伊黍

箋云攘讀當爲饌饌饌饌也饌其左右從行者釋文攘鄭
讀爲饌式尙反正義曰上言饌下言嘗皆飲食之事故攘
讀當爲饌案釋詁云饌饌饌也良耜其饌伊黍箋訓饌爲
饌禮記郊特牲注作其餉伊黍一切經音義十二餉佉或
作襄佉出車釋文襄本亦作攘是饌餉襄攘竝通用說文

三
攘攘竝从襄聲故鄭讀攘爲饗

禾易長畝 用邊蠻方

禾易長畝傳易治也長畝竟畝也箋云禾治而竟畝釋文
易以豉反案易當讀若剔抑用邊蠻方箋云邊當作剔剔
治也剔與邊皆从易聲易之借爲剔猶邊之借爲剔也孟
子易其田疇注易治也易亦當讀爲剔讀以豉反者非是
俶載南畝 旣備乃事

大田俶載南畝釋文俶始也載事也案此毛意也皇矣上
天之載傳載事也載訓事係段音俶載南畝載當讀若上
文旣備乃事之事書有能奮庸熙帝之載史記五帝紀作

有能奮庸美堯之事此載事字通之證或曰史記多以訓詁字代經字非字之相通段也予曰不然左傳襄四年咨事爲諷魯語作咨才爲諷韋注才當爲事載从戈聲戈从才聲載之通作事猶才之通作事矣

俶載南畝

大田載
芟良耜

于此舊畝

俶載南畝箋云俶讀爲熾載讀爲舊栗之舊時至民以其初耜熾舊所受之地田一歲曰舊正義曰熾舊謂耜之熾而入地以舊殺其草故方言入地曰熾反草曰舊載芟俶載南畝良耜俶載南畝箋皆讀俶載爲熾舊采芑于此舊畝傳田一歲曰舊正義曰釋地文孫炎曰舊始芟殺其草

木也郭璞曰今江東呼初耕地反草爲菑是也案箋讀載爲菑者左氏春秋隱十年宋人蔡人衛人伐載正義云地理志云梁國菑縣故載國應劭曰章帝改名考城古者菑載聲相近故鄭元詩箋讀倣載爲熾菑是其音大同故漢於載國立菑縣

說文菑重文作菑

既方既阜 小子有造 遭家不造

既方既阜傳實未堅者曰阜箋云方房也謂孚甲始生而未合時也盡生房矣盡成實矣釋文阜才老反正義云阜音爲造訓爲成也案阜本草之俗字說文艸部葍斗櫟實也从艸聶聲徐鉉曰今俗以草爲艸木之艸別作阜字爲

黑色之皂或从白从十或从白从七皆無意義阜卽草字
草無成意蓋造之段音造本訓爲緇衣箋兔爰傳思齊傳
酌傳竝曰造爲也凡事由爲而成故又訓成思齊小子有
造箋云子弟皆有所造成閔予小子遭家不造箋云造猶
成也酌釋文造毛才老反正與阜同音孔冲遠知阜爲造
之段字故曰阜音爲造也左氏傳士臣阜服虔曰阜造也
造成事也爾雅釋水天子造舟釋文造或作阜釋草注可
以染阜釋文阜音造此阜造字通之證先君子有言曰凡
經典言草創卽造創史記屈賈列傳屈平屬草藁未定索
隱曰草藁謂創制憲令之本漢書藝文志蕭何草律注草

創草之禮樂志迺草具其儀注草謂創立其事任敖傳草立土德時麻制度注草創始也後漢書隗囂傳而大事草創注草創謂初始也此類不可枚舉草皆造之段借草之通爲造猶造之通作阜矣

之屏之翰 王后維翰 大宗維翰 維周之翰 戎有良翰 召公維翰 幹不庭方

桑扈之屏之翰文王有聲王后維翰版大宗維翰崧高維周之翰傳並曰翰幹也江漢召公維翰崧高戎有良翰箋並訓翰爲幹韓奕幹不庭方箋云當爲不庭違失法度之方作楨幹以正之案翰借字幹正字說文羽部翰天雞也

奕羽也从羽執聲木部榦築牆尚木也从木執聲聲同故相通桑扈正義引舍人曰榦所以當牆兩邊障土者也書費誓正義引同爾雅疏引舍人曰翰所以當牆兩邊障土者也字作翰爾雅釋詁釋文榦又作幹又作翰郭注引詩維周之翰宋本翰作榦漢書郊祀志下井榦樓高五十丈師古曰榦或作翰皆翰榦字通之證

集韻榦胡安切廣韻翰胡安切是榦翰音同

不戢不難 佩玉之儺

先君云不戢不難傳戢聚也不戢戢也不難難也案難乃儺字之段借說文人部儺行有節也竹竿佩玉之儺傳儺

行有節度不戢戢也謂正其心斂而不放不儺儺也謂脩
其身動必以節內外交脩所以受福多也箋以難爲難易
之難未得經傳之旨顏氏家訓書證篇引毛傳不儺儺也
字正作儺可證箋說之誤玉樹案難與儺古字通檜風猗
儺其枝猗儺其華猗儺其實猗儺卽隰桑之阿難見詩義述聞毛
傳異訓故不在周禮占夢遂令始難毛詩異文之列歐疫注故書難或爲
儺禮月令季春之月命國難仲秋之月天子乃難季冬之
月命有司大難占夢注竝引作儺郊特牲注謂時儺索室
歐疫釋文作難云乃多反本又作儺

實維何期 子曰何其 夜如何其

類升實維何期箋云何期猶伊何也期辭也釋文期本亦作其音基王如字案鄭本作其故爲辭園有桃子曰何其正義曰曰其皆爲辭庭燎夜如何其釋文其音基辭也王肅改作實維何期以別于鄭非毛詩古本禮記曲禮下梁曰薌其注其辭也釋文其字又作其同音姬語辭也王音期期時也說文其籀文作其古本作梁曰薌其說文無其又作鄉其故鄭以爲辭王肅與鄭立異乃讀爲期正與詩同然其與期古字亦通春秋襄二十一年邾庶其漢書地理志注作邾庶期易繫辭下死期將至釋文作其云本亦作期昭二十二年左傳注汽其也大雅民勞正義引作汽期也

皆其證又案園有桃正義以其爲辭似非傳義傳云夫人謂我欲何爲乎以爲釋其蓋讀其爲基釋詰基謀也謀爲義同其基字通禮記孔子閒居引詩夙夜其命宥密注云詩讀其爲基基謀也尙書召誥不其延傳云言桀不謀長久書傳以不謀釋不其詩傳以何爲詰何其正合

君子維宴 嘉賓式燕以放 嘉賓式燕以樂 嘉賓

式燕以衍 嘉賓式燕綏之 嘉賓式燕又思 燕笑

語兮 吉甫燕喜 備言燕私 式燕且喜 式燕且

譽 公尸來燕來寧鳥驚燕字 燕及朋友 侯氏燕

胥 在公載燕 魯侯燕喜

毛詩燕安字例作燕唯谷風宴爾新昏字作宴燕飲字例
作燕唯頍弁君子維宴字作宴鹿鳴南有嘉魚蓼蕭六月
楚茨車華鳧鷖假樂韓奕有駉闕宮皆是燕字燕飲宴飲
皆非正字俗又作醺與譙皆說文所無此殆終古無正字
者嘉賓式燕以樂文選東京賦注引毛詩燕作宴嘉賓式
燕以衍吳都賦注引毛詩燕作宴吉甫燕喜漢書陳湯傳
燕作宴君子維宴唐石經初刻燕後改宴宋本作宴詳見
校勘記

閒關車之華兮 射則貫兮

車華閒關車之華兮傳閒關設華兒案閒謂中閒關讀爲

貫貫者穿也倚嗟射則貫兮正義貫謂穿侯易剝貫魚以
宮人寵釋文貫穿也論語予一以貫之皇疏貫猶穿也毛
以闕闕爲設華兒者謂於軸端之中閒以鐵錯貫穿之也
儀禮鄉射禮不貫不釋注古文貫作關大射儀注古文貫
作關是關貫字通之證

德音來括 曷其有佗

德音來括傳括會也釋文括本又作佗王風曷其有佗傳
佗會也案括借字佗正字說文人部佗會也从人唇聲手
部括絜也从手唇聲馬爲瑗曰牛羊下括傳括至也韓詩
曷其有佗佗至也至當讀爲會書禹貢又東會于涇漢書

地理志會作至是至與會字通用括至卽車轆傳之括會
估至卽說文之估會

依彼平林 殷其盈矣

依彼平林傳依茂木兒正義曰依然而茂盛者彼平林之
木案依當讀如殷溱洧殷其盈矣傳殷眾也眾盛是一義
殷亦訓盛說文月部作樂之盛稱殷馬融注豫卦曰殷盛
也單言之曰殷重言之曰殷殷漢書禮樂志靈殷殷師古
曰殷殷盛也單言之曰依依重言之曰依依出車篇楊柳依
依韓詩章句曰依依盛兒見文選潘岳金谷集詩注依卽殷也依依卽
殷殷也古文微合韻依殷同聲殷字从月寶亦月聲說文

身訓歸卽今依歸字禮記學記不學博依注依或爲衣中
庸豈戎衣注衣讀如殷齊人言殷聲如衣今姓有衣者殷
之冑與釋文衣於巾反呂氏春秋夏民親鄰如夏注鄭讀
如衣今兖州人謂殷氏皆曰衣是殷依衣竝通用

好爾無射 無射亦保 矧可射思 無射於人斯

服之無斃 古之人無斃 在此無斃 思無斃 徒

御無斃

好爾無射箋射厭也思齊無射亦保傳云保安無厭也

定本

作保安

抑矧可射思箋射厭也清廟無射於人斯傳云不

見厭於人矣禮記大傳文選魏都賦注引詩作無斃於人

斯葛覃服之無斃傳斃厭也正義曰斃厭釋詁文彼斃作射音義同禮記緇衣楚辭章句引詩作服之無射思齊古之人無斃傳云古之人無厭於有名譽之俊士振鷺在此無斃箋云無厭之者禮記中庸引詩作在此無射後漢書列女曹世叔妻傳作在彼無射章懷注以爲韓詩魯頌駒思無斃箋斃厭也泮水徒御無斃箋云無厭倦也釋文作繹云本又作射又作斃作懌皆音亦厭也案射借字斃正字說文矢部射弓弩發於身而中於遠也篆文从寸作射支部斃解也一曰斃厭也爾雅釋詁射厭也釋文射羊石反字又作斃文選月賦注引爾雅作斃厭雲漢耗斃下土

春秋繁露郊祀篇作耗射下土彼敦訓敗乃殛之段借與敦厭義別

以慰我心 愠于羣小 肆不殄厥愠

以慰我心傳慰怨也

从釋文本諸家或謂當作慰段玉裁

曰釋慰爲怨如釋亂爲治釋徂爲存玉樹案此說非是慰

乃愠之段音韓詩正作以愠我心云愠悲也字與毛殊義

與毛同韓今文毛古文邶風柏舟愠于羣小傳愠怒也正

義本作愠怨大雅縣篇肆不殄厥愠傳愠悲慰怨卽愠怨

愠怨卽愠悲說文怨悲也是也或謂慰訓怨亦正義非借

義說文慰安也一日悲怒也悲卽怨矣蒙謂此蓋用毛傳

之說而忘其爲段借與手部揆訓蔡同誤

營營青蠅 行與子還兮 爾還而入 還而不入

黃先生曰青蠅營營青蠅傳營營往來貌案說文營市居也無往來義毛蓋以營爲還之段借齊風子之還兮漢書地理志水經注淄水篇作子之營兮是營與還古字通用說文是部還復也丩部復往來也玉樹案魏風桑者閒閒兮行與子還兮傳云閒閒然男女無別往來之貌段玉裁曰往來卽下文行還也傳又云或行來者或來還者正義曰行與子俱迴還兮雖則異家得往來俱行是還可訓往來也又何人斯爾還而入箋還行返也行返與往來是一

義無衣傳行往也采
薇箋來猶返也
韓非子五蠹篇自環者謂之私背私

者謂之公說文人部引韓非自營爲人說文營訓市居孫
星衍謂閭閻字古作營杜預釋文豈本又作營周頌嬭嬭
在疚說文人部作營營在疚漢書匡衡傳文選潘安仁河
陽縣作注並引作營營在疚說文營从營省聲營之通作
還猶營之通作環閭營之通作嬭豈矣說文引作營營書
蠅訓小聲當木三家詩與毛義別玉篇營下往來小聲二
訓兼收非是

籩豆有楚 籩豆有且

賓之初筵籩豆有楚傳楚列貌案楚卽荆木傳訓列貌者

謂爲且之段借字也說文且薦也薦則有陳列之義韓奕

邊豆有且且與楚同義毛已於賓之初筵釋之故韓奕不

復傳箋云且多貌凡物陳列之則見其多與楚訓列貌義

亦相成且古音沮論語長沮桀溺斐壽碑作且溺禮沮有月令地氣沮泄呂氏春秋作且泄

楚音水經注瓠子河篇引京相璠曰濮陽城西十五里有

沮邱城六國時沮楚同音且古音祖博古圖有且乙占且乙爵且已觥且

丙爵皆卽祖字祖又有楚音王引之春秋名字解詁曰

秦祖字子南祖讀爲楚聲近段借也荆楚之楚通作祖猶

詩衣裳楚楚之楚說文引作黼也原注祖黼皆以且爲聲秦祖字子

南猶游楚字子南此皆且楚字通之證又書禹貢雒沮會

同見氏曰爾雅自河出爲灘濟爲澹求之於韻沮有澹音

二水河濟之別也沮之通作澹猶且之通作楚矣土冠禮選豆有

楚鄭注楚陳列之貌亦當讀且

威儀反反 爾土字販章

威儀反反傳反反言重慎也案反爲販之段借卷阿爾土

字販章傳販大也爾雅釋詁說文日部玉篇日部廣韻二

十五潛並曰販大也重與太是一義禮王制注小大猶輕

重儒行注重鼎大鼎也是也韓詩正作威儀販販韓今文

毛古文

酌彼康爵 具賚卒荒 我居圉卒荒

酌彼康爵箋康虛也正義曰康虛釋詁文今釋詁作漑虛
桑柔具賢卒荒傳荒虛也召愷我居罔卒荒箋荒虛也正
義曰荒虛釋詁文某氏曰周禮野荒民散則削之唯某氏
之本有荒字爾雅釋詁釋文引郭云漑本或作荒案依此
則荒康皆漑之借字說文水部漑水虛也又說文禾部稊
虛無食也欠部歉飢虛也竝相通之字易泰九二包荒釋
文荒鄭讀爲康云虛也穀梁襄二十四年傳四穀不升謂
之康注康虛韓詩外傳四穀不升謂之荒爾雅釋天疏引
穀梁傳康作荒淮南子天文訓十二歲一康莊述吉曰太
平御覽康作荒爾雅釋器康瓠謂之甌李巡注康空也釋

文康埤蒼作𩇑字林作𩇑玉篇瓦部𩇑重文作𩇑周書諡
法好樂怠政曰荒漢書諸侯王表中山穰王注好樂怠政
曰穰此皆荒康字通之證

式勿從謂 之死矢靡慝 無俾作慝 伊胡爲慝

式勿從謂箋云式讀曰慝釋文式徐云毛如字又云用也
鄭讀爲慝他得反惡也民勞無俾作慝傳慝惡也瞻卬伊
胡爲慝箋慝惡也柏舟之死矢靡慝傳慝邪也邪亦惡也
書洪範民用僭忒馬云忒惡也漢書王嘉傳作民用僭慝
師古曰慝惡也式與忒皆从弋聲忒之通作慝猶式之通
作慝矣

有那其居 佩玉之儺

魚藻有那其居箋那安也案那乃儺之段借竹竿佩玉之儺傳儺行有節度說文人部儺行有節也則儺本安步之狀引伸之故訓安也那與儺古字通桑扈受福不那說文作受福不儺

彼交匪紆 舒而脫脫兮 舒窈糾兮 舒憂受兮

舒天紹兮 王舒保作

采菽彼交匪紆傳紆緩也野有死麕傳常武傳竝曰舒徐也月出傳舒遲也案徐與遲卽是緩爾雅釋言舒緩也說文紆與舒俱訓緩玉篇彡部紆式居切緩也或作舒周禮

士師注緩刑紓民心也釋文紓音舒本亦作舒左氏莊三
十年傳以紓楚國之難僖三十三年傳不然紓我文十六
年傳姑紓死焉成三年傳而求紓其民九年傳而紓晉使
十六年傳可以紓憂注皆曰紓緩也釋文皆曰紓音舒襄
二十九年傳必三年而後能紓釋文紓直呂反徐音舒是
紓與舒音義並同荀子勸學篇引詩正作匪交匪舒

其葉蓬蓬

芄芄其麥

芄芄黍苗

下泉黍苗

芄芄棫樸

其葉蓬蓬傳蓬蓬盛貌案說文蓬蒿也毛訓盛蓋芄之假
音說文芄艸盛也載馳芄芄其麥傳麥方芄芄然盛長下
泉芄芄黍苗傳芄芄長大貌棫樸傳芄

芄木盛貌義竝一貫黍苗釋文芄蒲東反騶虞釋文蓬蒲
東反是芄蓬音同山海經海內經𧈧狐蓬尾注蓬鼓也郝
氏箋疏云小雅何草不黃篇有芄者狐蓋言狐尾蓬蓬然
大依字當作蓬詩段借作芄耳太平御覽九百九引此注
作蓬蓬其尾此芄蓬字通也中山經成侯之山其草多芄
草未有以芄名者疑亦蓬之段借

天子葵之 則莫我敢葵 揆之以日

天子葵之傳葵揆也版則莫我敢葵箋葵揆也案葵字从
艸本菜名訓葵爲揆者卽讀葵爲揆也定之方中揆之以
日傳揆度也葵揆皆从癸聲故相通段釋言葵揆也亦是

以正字釋借字與甲狎務侮同例說文訓揆爲葵反以借字詁正字誤矣釋言注引詩天子葵之單疏本雪牕本元本作葵閩本監本毛本作揆

優哉游哉 舒憂受兮

優哉游哉箋云諸侯有盛德者亦優游自安案說文人部優饒也箋訓優爲安蓋憂之反借字陳風月出舒憂受兮說文無懷唐石經作憂釋文作懷云舒貌舒與安是一義說文攴部憂和之行也引詩布政憂憂今長發作敷政優優傳云優優和也是憂優字通優游字當作憂憂愁字當作惠今借憂爲惠借優爲憂而置惠字不用優游字又作

優游玉篇有優說文無

優哉游哉 柔遠能邇 無不柔嘉 輯柔爾顏 柔

惠且直 懷柔百神 旨酒思柔

箋訓游爲安者謂游爲柔之段借字也爾雅釋詁柔安也民勞柔遠能邇時邁懷柔百神傳竝曰柔安也抑無不柔嘉輯柔爾顏絲衣旨酒思柔箋竝曰柔安也崧高柔惠且直正義以柔惠爲安順史記麻書游兆執徐三年索隱曰游兆景也爾雅作柔兆是游柔字通之證凡經典言優游皆優柔之段音儒行優游之法注優游之法法和柔者也鄭亦讀游爲柔後漢書朱浮傳尙優游四凶之獄注優游

謂優柔也左氏春秋傳序優而柔之使自求之正義曰優柔俱訓爲安寬舒之義也謂邱明富博其文優游學者之心使自求索其高意

莫肯下道 無縱詭隨

角弓莫肯下道箋云道讀曰隨民勞無縱詭隨傳云詭隨詭人之善隨人之惡案荀子非相篇引詩作莫肯下隧楊倞注隧讀曰隨莫肯下隨於人隧與隨聲同毛詩本出於荀卿故康成據之讀道爲隨

上帝甚蹈 憂心且妯 中心是悼 躬自悼矣

苑柳上帝甚蹈傳云蹈動箋云蹈讀曰悼鼓鍾憂心且妯

傳如動也箋云如之言悼也案毛意以蹈如爲悼之段借故訓動檜風羔裘中心是悼傳悼動也鄭知毛意故於蹈如竝讀爲悼箋申毛非易毛眾經音義卷五引詩作上帝甚陶卷十五引韓詩憂心且陶韓詩字同毛詩字通清人左旋右抽說文手部作左旋右指抽之通作指猶如之通作蹈矣蹈動乃變動之動悼動如動乃傷慟之慟然說文無慟新附古止作動周禮大祝四曰振動杜慟卽是變動論語子哭之慟鄭注慟變動容兒無二字亦無二誼友人姚煥章曰蹈如訓動動者思也上帝甚蹈言上帝甚可思也憂心且如言憂心且思也公羊文十五年傳入郛不書此何以書動我

也其實我動焉爾注以思釋動爾雅釋詁震動也震思也
震之爲思猶動之爲思矣蹈如皆悼之借字說文心部悼
懼也羔裘傳悼動也動亦當訓懼箋以悼爲哀傷失傳義
矣案此說亦甚有理然岷篇躬自悼矣傳悼傷也則悼動
之動畢竟是傷慟之慟方言一悼哀也悼傷也箋云悼猶
哀傷也正與岷傳合

曷予靖之

則莫我敢曷

不取有害

泉水二
子乘舟

我獨

何害

參我
四月

無害我田穉

無蓓無害

枝葉未有害

無災無害

剋壽無有害

曷予靖之傳曷害長發則莫我敢曷傳曷害也案毛以曷

爲害之段借也曷子靖之謂有災害則使子靖之也災害之害借用曷猶曷何之曷借用害矣說見卷一泉水不瑕有害二子乘舟不瑕有害鄭讀害爲曷毛如字蓼莪我獨何害四月我獨何害大田無害我田穉生民無嗇無害蕩枝葉未有害閼宮無災無害眉壽無有害字皆作害害今文曷古文

居以凶矜 兢兢業業

先君詩說有云居以凶矜傳矜危也案矜乃兢之段借雲漢兢兢業業傳兢兢恐也恐與危是一義說文恐懼也危在高而懼也雲漢釋文兢本又作矜左氏僖二十二年傳

引詩戰戰兢兢釋文兢本又作矜宣十六年傳引詩戰戰
兢兢釋文兢本亦作矜兢說文作競云競也从二兄二兄
競意讀若矜是矜兢字通矜古本作矜从矛令聲隸變古
音在眞臻先部故苑柳矜韻天臻桑柔矜韻甸民填天矜
得與兢通者如陳之讀陵甸之音乘淩之作遴漆之爲潛
皆蒸登部與眞先部相通轉

謂之尹吉 爲韓姑相攸

都人士謂之尹吉傳尹正也據傳義吉當讀若結仍以髮

言與前後章一例女之正其髻猶男之正其冠也

結俗作髻字又

作紒周禮紒氏注紒氏注紒讀如紒髮之紒天保吉謂爲紒周禮紒氏疏吉作紒是吉紒字通儀禮士冠禮注古文紒爲

結廣雅髻結也一切經音義十三引字林髻髮也故見
結髮紛髻髻吉並通用說文結从吉聲故省作吉耳故見
者皆稱謂之箋云吉讀爲姑尹氏姑氏周室婚姻之舊姓
也人見都人之家女咸謂之尹氏姑氏之女言有禮法據
鄭說吉與爲韓姑相攸之姑通姑蹶父姓也說文女部姑
黃帝之後伯鯀姓也后稷如家从女吉聲姑之省作吉猶
結之省作吉矣左氏宣三年傳姑吉人也漢書古今人表
作姑人云棄妃

我心苑結 鬱彼北林 我心蘊結兮

我心苑結箋云苑猶厠也積也釋文作苑云於粉反徐音
鬱案苑卽鬱之段借故徐仙民讀爲鬱秦風晨風鬱彼北

林傳鬱積也苑又爲蘊之段借檜風素冠我心蘊結兮蘊
結卽苑結釋文蘊紆粉反說文無蘊唐石經初刻作我心
蘊結兮說文艸部蘊積也蘊亦與鬱通雲漢蘊隆蟲蟲韓
詩作鬱隆炯炯

薄言觀者 適觀厥成 奄觀銍艾 永觀厥成 集
于灌木 其灌其柵

采綠薄言觀者箋觀多也釋文觀古玩反案觀乃灌之段
借古玩卽灌音也葛覃集于灌木傳灌木叢木也皇矣其
灌其柵傳灌叢生也叢則有眾多之義漢書酷吏傳贊罔
密事叢師古曰叢謂眾也爾雅釋詁眾多也灌與觀同从

舊聲故段觀爲灌大雅文王有聲通觀厥成周頌臣工奄觀鉅艾有誓永觀厥成箋竝訓觀爲多釋詁觀多也竝讀若灌

其葉有難 受福不那 有那其居 猗與那與

隰桑其葉有難傳難然盛貌案難乃那之段音故釋文云難乃多反桑扈受福不那傳那多也魚藻有那其居釋文引王云那多也商頌那猗與那與傳那多也多與盛是一義廣雅釋詁盛多也是也受福不那說文鬼部魑下引詩作受福不儺桑扈傳不難難也顏氏家訓書證篇作不儺儺也是那難儺竝通用那又作猗爾雅釋詁那多也釋文

那本亦作辨廣雅釋詁辨多也或交傳濟濟難也難與那同謂多也早麓傳濟濟眾
多也可證
幾說非是

中心藏之 何用不臧 終然允臧 視爾不臧 與
子偕臧 揖我謂我臧兮 射則臧兮 于何不臧
庶曰式臧 謀臧不從不臧覆用 謀之其臧 謀之
不臧 我田既臧 庶幾有臧 彼醉不臧 俾臧俾
嘉 未知臧否 自獨俾臧 思馬斯臧 俾爾壽而
臧

中心藏之箋藏善也釋文作臧唐石經初刻作藏後確改
臧宋十行本小字本相臺本並作藏賈昌朝羣經音辨

部藏善也鄭康成讀禮記表記引詩中心藏之正義藏善也孝經事君章亦引作藏案說文臣部臧善也从臣戕聲

壁籀文別無藏字藏卽壁字之變

桂馥說

今藏匿字古止作

臧臧善字更不宜从艸雄雉定之方中載馳野有蔓草還猗嗟十月之交雨無正小韻甫田頌弁賓之初筵抑桑柔駟閼宮諸篇皆作臧竝訓善罔異自獨俾臧淮南汜論注臧作藏說文新附藏匿也漢書通用臧字从艸後人所加周易繫辭上傳藏諸用釋文藏才剛反鄭作臧云善也知以藏往釋文藏剗作臧善也荀子解蔽心未嘗不臧也注臧讀爲藏古字通

止于丘阿 彼汾一曲 亂我心曲 予髮曲局

絲蠻止于丘阿傳丘阿曲阿也案毛讀丘爲曲與下章丘隅丘側義別箋云丘之曲阿非傳意也丘與曲古同音區唐韻正三燭曲平聲則音區春秋桓十二年公會杞侯莒子盟于曲池公羊傳作毆蛇汲冢書作區蛇黃帝內經鬼臾區亢倉子作鬼容北釋名北區也匡謬正俗三古語北區同聲是曲區並通用汾沮洳彼汾一曲小戎亂我心曲采綠予髮曲局

畏不能趨 左右趣之

畏不能趨箋云畏不能及時疾至也鄭訓趨爲疾械樸左

右趣之箋云左右諸臣皆促疾於事趣亦訓疾案說文忝部趨歪也趣疾也據此則趨爲借字趣爲正字毛云趣趨也依毛則趣爲趨之借字賈子連語篇容經篇晏子春秋問下篇春秋繁露郊祭皆作左右趨之此毛所本趨趨古字通十月之交箋令我不不得趨農釋文作趣云本又作趨七俱反禮記月令趣民收斂釋文趣七佳反本又作趨任大椿列子釋文考異曰史記張儀傳方將約車趨行正義趨音趣司馬遷傳趣舍異路卽趨舍也漢書賈誼傳趣中肆夏趣卽趨

有兔斯首 揚且之皙也

瓠葉有兔斯首箋斯白也今俗語斯白之字作鮮齊魯之
 閒聲近斯案斯白古語鮮白俗語皆暫白之轉聲斯之本
 義訓破木鮮之本義則魚名也君子偕老篇揚且之暫也
 傳暫白暫說文白部暫人色白从白析聲左氏僖十五年
 傳蛾析釋文暫本或作析史記五帝紀析支渠疲索隱作
 鮮支渠搜云鮮析音相近爾雅釋詁鮮善也釋文鮮木或
 作暫沈云古斯字是暫析鮮斯字竝通用周南螽斯釋文
 斯爾雅作蜚爾雅釋蟲釋文蜚本又作蜚詩作斯同音私
 支反史記司馬相如傳葳蕤苞荔漢書作葳析文選子虛
 賦作葳蕤斯之通作暫亦猶斯蜚之通作蜚葳蕤析之通作

斯矣

蜚蜚斯斯廣韻五支同音相移切然誤判爲二

古文尙書撰異曰析支大戴

禮五帝德作鮮支古音斯與析同部同紐同義鮮之雙聲轉讀同斯析是以說文之鮮讀若斯也列子湯問篇曰生子長則鮮而食之盧氏紹弓云謂析而食之是也

不皇朝矣 不皇出矣 不皇他矣 莫敢或遑 莫

或遑處 莫敢遑息 遑恤我後谷風小弁 不遑啟處四

采薇 不遑將父不遑將母 不遑啟居采薇出車 征夫遑

止 不遑假寐 亦不遑舍 遑脂爾車 不敢怠遑

漸漸之石不皇朝矣正義釋毛云不暇脩禮而相朝不皇出矣正義云不暇出而相與爲禮也不遑他矣正義曰不

暇更有他事矣遑字殷其雷四牡各三見谷風出車杕杜
長發各一見采薇小弁何人斯各二見傳箋疏竝訓暇無
異說文無遑古止作皇爾雅釋言惶暇也注釋文遑或作
惶通作皇谷風小弁之遑恤我後四牡采薇之不遑啟處
殷武之不敢怠遑左傳皆引作皇禮記表記引遑恤我後
亦作皇書無逸不遑暇食楚語引作不皇暇食孟子則皇
皇如也文選歸去來辭注引作遑遑

維其卒矣 山家翠崩

維其卒矣箋云卒者崔嵬也謂山顛之末也正義曰箋以
上高矣類之則卒亦石之形也故讀爲翠釋山云翠者厓

屢案卒古文萃今文十月之交山家萃崩箋云萃者崔嵬
釋文萃木亦作卒正義本作卒漢書劉向傳後漢書董卓
傳注張華博物志引詩竝作山家卒崩集韻萃或作卒說
文萃从山卒聲

芸其黃矣 其黃而隕 十月隕摯 涕既隕之 亦
不隕厥問

苕之華芸其黃矣傳云將落則黃案毛以落釋芸蓋謂芸
爲隕之段借字也爾雅釋詁隕落也七月十月隕摯縣亦
不隕厥問傳竝曰隕墜也小弁涕既隕之傳隕隊也墜隊
字同墜卽落也氓其黃而隕傳隕墮也墮亦落也芸从云

聲隕从員聲出其東門釋文員本亦作云正月釋文云本
又作員云員字通故云聲員聲之字亦通裳裳者華篇芸
其黃矣傳芸黃盛貌箋云芸然而黃芸蓋煩之段借漢書
禮樂志照紫幄珠煩黃如淳曰煩黃貌也師古曰珠色煩
然而黃字又作顓玉篇顓重文作顓注云黃貌史記東越
傳不戰而耘利莫大焉徐廣曰漢書作殂說文耒部耘除
苗開穢也重文作耒女部耘从女云聲籀文从員作𠂔雨
部實一曰雲轉起也段玉裁曰實略與雲同手部耘有所
失也从手云聲春秋傳曰耘子辱矣今左傳作隕左氏宣
二年傳從其母畜於邾釋文邾本又作鄆玉篇艸部芸古

軍切香草也重文作蕢此皆芸隕字通之證

𦍋羊墳首 有頌其首

𦍋羊墳首傳墳大也案墳爲頌之段借字說文覓部頌大頭也魚藻有頌其首傳頌大首見正義曰釋詁云墳大也頌與墳字雖異音義同樊光爾雅注引詩作有蕢其首頌之通作墳猶頌之作蕢矣墳字亦自有大義但以首言則以頌爲正字蕢聲分聲之字相通者多召南遵彼汝墳傳墳大防也說文土部一曰坳大防也韓奕汾王之甥傳汾大也正義云釋詁墳太也傳意以汾墳音同故爲大也左氏春秋昭五年叔弓帥師敗莒師於蚡泉公羊作潰泉穀

梁作黃泉爾雅釋畜鼯鼠釋文鼯字或作鼯周禮草人培壤用麋注墳壤多鼯鼠也故書墳作鼯玉篇火部燬重文作燬一切經音義卷二焚古文燬燬二形

何人不矜 不侮矜寡 哀此鰥寡

何草不黃篇何人不矜箋無妻曰矜釋文矜古頑反正義云矜與鰥古今字案足利本書堯典正義王充論衡讀詩記載韓詩並作何人不鰥鴻雁哀此鰥寡傳無妻曰鰥序云至於鰥寡無不得其所焉釋文作矜云木又作鰥篇內矜寡同據此則哀此鰥寡釋文本作矜寡與正義本異校勘記竟未之及大田序言矜寡不能自存釋文矜古頑反

字或作鰥烝民不侮矜寡釋文矜古頑反毛詩古文竝是矜字正義云不欺侮於鰥寡以今文易之新序襍事四作不侮鰥寡此三家詩也書無逸惠鮮鰥寡漢石經作惠于矜寡堯典有鰥在下史記五帝紀作有矜在民間禮記王制老而無妻謂之矜釋文矜本又作鰥疏矜與鰥同鰥寡字作矜鰥病字亦作矜釋詁鰥病也後漢書和帝紀朕寤寐惻矜注矜病也惻矜卽康誥惻鰥鰥借用矜矜亦借用鰥漢書于定國傳贊哀鰥折獄卽哀矜折獄

南菁書院叢書